

Ugovorne strane:

1. **Ministarstvo unutrašnjih poslova Kantona Sarajevo, ul. La Benevolencije broj 16, IDB/JIB: 4200220350006**, koje zastupa ministar Admir Katica (daljem tekstu: Ugovorni organ) i

2. **Građevinsko-linarski obrt - LimFix Žepče**, sa sjedištem u ulici Papratnica bb, Žepče, ID broj: 4320177890005, koje zastupa vlasnik, Matej Udovičić, (u daljem tekstu: Dobavljač).

zaključili su:

UGOVOR
za nabavku usluga tekućeg održavanja krovova

PREDMET UGOVORA

Član 1.

Ugovorne strane sklapaju ovaj ugovor na osnovu provedenog otvorenog postupka za javnu nabavku usluga tekućeg održavanja krovova objavljenog na Portalu javnih nabavki, prema Odluci o pokretanju postupka nabavke broj 01-11-4-3850 od 25.07.2023. godine i Obavještenja 1364-1-2-44-3-54/23 od 27.07.2023. godine, a u skladu sa potpisanim Okvirnim sporazumom broj 01-11-4-3850-6 od 24.10.2023. godine i Ponudom broj 10-09/23 od 04.09.2023. godine.

Član 2.

Predmet ovog ugovora je izvršavanje usluga tekućeg održavanja krovova na lokacijama u ulici La Benevolencije 16, Sjedište Ministarstva i Prvomajska 22, PS Novi Grad u svemu prema ponudi Dobavljača broj 04-02/24 od 27.02.2024. godine čini sastavni dio ovog ugovora.

CIJENA (VRIJEDNOST UGOVORA)

Član 3.

Vrijednost ugovora, bez uračunatog PDV-a, iznosi 24.050,00 KM.

Prema prihvaćenoj ponudi u toku provedenog postupka nabavke na navedenu cijenu se obračunava popust od 10% tako da vrijednost ugovora sa popustom bez PDV-a iznosi 21.645,00 KM. (dvadesetjednihiljadašeststotinačetrestpet i 00/100 KM)

Jedinične cijene date u Ponudi su fiksne i nepromjenjive u toku cijelog perioda trajanja ovog ugovora.

PLAĆANJE

Član 4.

Ugovorni organ će plaćanje cijene iz člana 3. ovog ugovora izvršiti u roku od 30 (trideset) dana nakon prijema uredno ispostavljene originalne dokumentacije dostavljene na protokol Ugovornog organa, i to kako slijedi:

- Faktura za izvršene usluge i
- Obostrano potpisani zapisnik o kvantitativnoj i kvalitativnoj primopredaji usluga

NAČIN IZVRŠENJA USLUGE

Član 5.

Dobavljač se obavezuje da će predmetnu uslugu izvršiti u najkraćem mogućem roku nakon prijema narudžbenice (pismenog na loga) od strane Ugovornog organa, u skladu sa ponudom navedenoj u članu 2. ovog ugovora.

Usluge će biti izvršene na lokacijama: u ulici La Benevolencije 16, Sjedište Ministarstva i Prvomajska 22, PS Novi Grad.

Prilikom izvršenja usluge Dobavljač je dužan da se pridržava odredbi člana 6. potpisanog Okvirnog sporazuma.

GARANTNI ROK

Član 6.

Na izvršene usluge Dobavljač daje garanciju od dvije godine od dana izvršenja usluge.

OBAVEZE DOBAVLJAČA

Član 7.

Dobavljač se obavezuje da:

- Izvrši usluge u skladu sa Ponudom i tenderskom dokumentacijom, i na lokaciji koja je utvrđena ovim ugovorom;
- odgovara za uredno izvršenje ugovora prema važećim propisima, te redovno obavještava Ugovorni organ o toku realizacije ugovora;
- snosi sve rizike do konačne primopredaje izvršenih usluga na lokaciji od strane Ugovornog organa i u roku koji je propisan ugovorom.

OBAVEZE UGOVORNOG ORGANA

Član 8.

Ugovorni organ se obavezuje da:

- izvrši obavezu plaćanja izvršenih usluga u skladu sa članom 4. ugovora;
- izvrši primopredaju izvršenih usluga; potpisivanjem zapisnika (bez primjedbi) o izvršenim uslugama u roku od 25 dana od dana izvršenja usluga od strane Dobavljača, sve prema zahtjevima iz Ponude.

VIŠA SILA

Član 9.

Pod višom silom se podrazumijevaju spoljni i vanredni događaji i okolnosti koji se nisu mogli predvidjeti u vrijeme zaključenja ugovora, izbjeći ili otkloniti u toku realizacije istog i koje onemogućavaju izvršenje ugovornih obaveza, a pod uslovom da iste ne podrazumijevaju krivicu ili nemar ugovorne strane. Pod događajima i okolnostima koji potpadaju pod višu silu smatraće se naročito: rat, poplava, požar, zemljotres, generalni štrajk i slični događaji.

Ukoliko dođe do pojave događaja i okolnosti koje se u smislu ovog ugovora mogu smatrati višom silom, ugovorna strana koja se poziva na višu silu, je dužna na način koji je u datoj situaciji jedino moguć, odmah obavijestiti drugu ugovornu stranu o tom stanju i njegovim uzrocima, a najkasnije u roku od 3 (tri) dana od dana nastanka više sile, obavijestiti je i pisanim putem.

Ugovorna strana koja se poziva na višu silu će nastaviti sa izvršavanjem svojih obaveza iz ugovora sve dok je to u razumnoj mjeri izvodivo, ukoliko nije, pisanim putem, drugačije naloženo od druge ugovorne strane.

U slučaju nastupanja događaja i okolnosti koji se mogu smatrati višom silom u smislu ovog člana ugovora, nemogućnost ugovorne strane da ispunji bilo koju od svojih ugovornih obaveza neće se smatrati razlogom za raskid ugovora ili neispunjavanjem ugovorne obaveze, ukoliko je:

- a) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog ugovora, i
- b) obavijestila drugu ugovornu stranu o nastupanju više sile na način definisan u stavu 3) ovog člana ugovora i preduzetim mjerama na otklanjanju štetnih posljedica dejstva više sile.

UGOVORNA KAZNA

Član 10.

U slučaju kašnjenja u izvođenju usluga do kojeg je došlo krivicom Dobavljača, isti će platiti ugovornu kaznu u iznosu od 1% od naručenog izvođenja usluga za svaki dan kašnjenja, sve do urednog ispunjenja ugovora, s tim da ukupan iznos ugovorne kazne ne može preći 10 % (deset) od ukupno ugovorene vrijednosti usluga po ovom ugovoru.

Dobavljač je dužan platiti ugovornu kaznu u roku od 15 (petnaest) dana od dana prijema pismenog zahtjeva za plaćanje od strane Ugovornog organa. Ugovorni organ neće naplatiti ugovornu kaznu ukoliko je do kašnjenja došlo usljed više sile.

ZAVRŠNE ODREDBE

Član 11.

Dobavljač nema pravo zapošljavati, u svrhu izvršenja ovog ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje šest mjeseci po zaključenju ugovora, odnosno od početka realizacije ugovora.

Član 12.

Ugovorne strane su saglasne da se na sve što nije regulisano ovim ugovorom primjenjuju odgovarajuće odredbe Zakona o obligacionim odnosima i zakonskih propisa koji regulišu pružanje usluga.

Član 13.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima. U slučaju da se ne postigne dogovor o spornim pitanjima, za rješenje spora nadležan je sud u Sarajevu.

Član 14.

Ovaj ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period od 35 dana, počev od dana potpisivanja istog, a traje do obostrane realizacije.

Član 15.

Ovaj ugovor je sačinjen u četiri istovjetna primjerka od kojih ugovorne strane zadržavaju po dva primjerka.

DOBAVLJAČ
Građevinsko-limnarski port
LimFix Žepi

direktor, Matej Udovičić

Broj: 03-3/24

Datum: 25.03.2024

